

29/07/1997

Sambutan peserta dialog di luar jangkauan

DATUK Seri Dr Mahathir Mohamad berkata beliau sendiri tidak menjangka Dialog Antarabangsa Langkawi (LID) yang menjadi acara tahunan di pulau pelancongan ini sejak tiga tahun lalu mendapat sambutan baik dan meluas begitu cepat.

"Jika peningkatan jumlah dan kedudukan jawatan peserta menjadi ukuran, LID haruslah dianggap sebagai satu kejayaan," kata Perdana Menteri dalam ucapan perasmiannya pada majlis makan malam LID'97 di sini, malam semalam.

Dialog kali ini yang diadakan di Berjaya Langkawi Beach and Spa Resort mempunyai tema Perkongsian Pintar dalam Perlaksanaan.

Dr Mahathir berkata, LID membantu memberangsangkan dialog seumpamanya mengenai perkongsian pintar di rantau lain, termasuk di selatan Afrika dan Caribbeans. Ia juga membantu kebanyakan peserta melihat sesetengah amalan dalam perspektif yang baru.

"Tumpuan dialog ialah terhadap perkongsian pintar," katanya.

(END)